

新都縣志卷三十七

政績志

漢

第五訪新都令政行化速鄰邑歸心時戶口十倍

於舊史稱循吏

通志

趙敦字建侯武陽人初為新都令德禮宣化三

司及大將軍梁冀累辟終不詣冀辟書不絕後冀

自殺使者監守不使人弔問敦獨往弔祭訖自拘

有司天子赦之

華陽國志士女讚

新都縣志

卷三十七

政績

一

法正字孝直扶風郿人依劉璋為新都令

蜀漢

衛常章武中為新都令政平訟理御史不苛開

池築堰以便水利民思其德因名曰衛湖

通志

晉

杜良字幼倫成都人杜軫少弟亦有當世局分

舉秀才為新都令後遷建寧太守兄弟並興州里

以為美談

華陽國志

任蕃字憲祖成都人任熙子察孝廉為新都令



後遷涪陵太守民思其德 華陽國志

常 騫字季慎江原人察孝廉以晉政衰觀中原不靜固辭去官拜新都內史當官修理恕以撫物

唐

盧照隣字昇之范陽人博學善屬文調新都尉甚為文士稱重 宏簡錄

宋

蘇 實治平間為新都令有異政嘗厭桂湖蛙鳴取一鳴蛙大者以朱筆點其額戒曰再無聒我耳

新都縣志 卷三十七

政績 二

自是無蛙聲

明

張 瓊石首人洪武初為新都令廉能公明事至迎刃而解民有鬻子輸稅者瓊贖還之 通志

國朝

曹 焜字秋漁浙江嘉善人乾隆二十九年由進士擢授新都初下車他務未遑即以教養為先因書院無貲置田九十二畝以作束脩膏火又西關外有旱地千百餘畝歷來艱於水利公度形引水



盡成糧田利濟數十百家及清問詞訟洞悉民隱  
案無留牘士民感戴至今慕之  
仲純信山東萊陽監生乾隆三十二年蒞任新都  
賦性剛直居官清廉凡士習民風從容整理於縣  
屬五村編聯保甲不數月賊風漸息夜不閉戶民  
有訟者隨時訊結有先賢折獄風度及陞遷民欲  
攀轅借寇不忍他去